

四庫全書

集部

欽定四庫全書

集部

乾坤清氣

目錄
卷一

詳校官中書

臣丁榮祚

助教

臣常循覆勘

覆校官中書

臣

方大川

校對官中書

臣

葉葵

謄錄監生

臣

任鑑

欽定四庫全書

集部八

乾坤清氣目錄

總集類

卷一

五言古詩一

劉因夢吉六首

劉祁京叔三首

盧亘彥威一首

趙孟頫子昂五首

貢奎仲章一首

虞集伯生六首

范梈德機四首

揭傒斯曼碩八首

楊載仲弘二首

王士熙繼學二首

袁桷伯長五首

胡寬則大一首

滕斌玉霄七首

杜本清碧一首

雅勒呼正卿二首

周馳景遠二首

薛漢宗海四首

黃潛晉卿六首

柯九思敬仲三首

陳旅衆仲四首

方積叔高二首

台哈布哈兼善一首

甘立允從三首

楊缺信可二首

傅若金與礪三首

薩都拉天錫四首

貢師泰泰甫三首

卷二

五言古詩二

郝經伯常一首

盧摯處道二首

閻缺子濟一首

張翥仲舉九首

張以寧志道二首

黃清老子肅三首

楊維禎廉夫五首

李孝光季和四首

張天英楠渠三首

薛玄曦玄卿二首

楊鑄季子二首

楊鎰顯民二首

周權衡之二首

丁復仲容三首

陳肅伯將五首

張率孟循一首

吳克恭寅夫三首

倪瓚元鎮四首

潘純子素二首

郭翼羲仲一首

陳基敬初二首

饒介介之一首

鄭采季亮一首

秦約文仲一首

陸仁良貴一首

錙堪子輿一首

吾衍子行二首

卷三

七言古詩一

元好問裕之一首

劉因夢吉五首

吳澄幼清一首

趙孟頫子昂一首

梁曾貢父一首

張經德常一首

虞集伯生六首

范梈德機五首

揭傒斯曼碩五首

歐陽玄元功一首

楊載仲弘四首

李材子構一首

卷四

七言古詩二

王士熙繼學三首

李洄漑之一首

鄧文原善之一首

胡寬則大一首

雅勒呼正卿二首

黃潛晉卿三首

柯九思敬仲一首

元明善復初一首

陳孚剛中三首

陳旅衆仲四首

傅若金與礪三首

薩都拉天錫二首

貢師泰泰甫四首

歐陽檢伯恭一首

張翥仲舉四首

危素太樸二首

卷五

七言古詩三

鮮于樞伯機一首

劉銑桂翁四首

周寔震亨遠七首

馮子振海粟一首

吳缺原可一首

陳缺渙翁一首

楊缺子承一首

段天祐吉甫一首

黃清老子肅四首

楊維禎庶夫七首

潘純子素一首

卷六

七言古詩四

李孝光季和九首

釋大訢笑隱一首

丁復仲容三首

鄭元祐明德二首

沈存肯堂一首

鄭基本初一首

郭翼羲仲三首

鄭東季明一首

陳基敬初二首

楊基孟載一首

吾衍子行一首

劉致時中一首

文質學古一首

釋宗衍道原一首

陳志所安一首

董缺則裕一首

卷七

古樂府一

元好問裕之二首

劉祁京叔二首

盧摯處道一首

趙孟頫子昂一首

范梈德機三首

揭傒斯曼碩五首

李泂漑之三首

王士熙繼學四首

虞集伯生二首

雅勒呼正卿三首

柯九思敬仲三首

劉詵桂翁四首

趙楠茂先一首

楊缺子承一首

孫缺伯善一首

周霆震亨遠二首

何缺麟瑞三首

祝蕃直清一首

甘缺茂實一首

彭

缺

子翔一首

胡

缺

尊生一首

趙文儀可一首

譚

缺

見心一首

卷八

古樂府二

陳泰所安三首

王沂師魯八首

陳孚剛中二首

陳旅衆仲四首

方積叔高三首

台哈布哈兼善二首

甘立允從一首

傅若金與礪九首

薩都拉天錫七首

趙頤子期一首

貢師泰泰甫三首

羅缺澗谷一首

林缺羲元一首

楊壽景熙一首

張翥仲舉六首

卷九

古樂府三

察伋士安一首

楊維禎廉夫十四首

李孝光季和八首

張天英楠渠四首

查居廣廣居一首

張天雨伯雨三首

釋大訢笑隱一首

楊鑄季子一首

胡缺艾山一首

周權衡之四首

陳肅伯將二首

陳樵君采五首

項炯可立二首

吳克恭寅夫一首

陸居仁宅之一首

鄭元祐明德一首

張簡仲簡二首

夏溥大志二首

宋无子虛二首

不知名一首

卷十

古樂府四

鄭洪君舉二首

張憲思廉一首

盧昇廷舉一首

郭翼羲仲九首

鄭東季明二首

陳基敬初一首

郊韶九成二首

范立叔中一首

徐孝基立本一首

鄭采季亮一首

于立彥成二首

高啟季迪一首

袁舉仲徵一首

鄭基本初一首

錢惟善思復二首

徐士榮仁則一首

張樞夢辰一首

袁華子英一首

瞿榮智惠夫二首

秦約文仲二首

陸仁良貴二首

吾衍子行三首

王逢原吉五首

熊夢祥自得二首

卷十一

五言絕句

楊奐煥然五首

虞集伯生二首

柯九思敬仲三首

王沂師魯一首

陳旅衆仲二首

潘純子素一首

丁復仲容二首

郭翼羲仲四首

鄭東季明一首

五言律詩一

劉因夢吉二首

許衡仲平一首

姚燧端甫三首

盧摯處道四首

高克恭彥敬二首

趙孟頫子昂四首

李孟道復四首

虞集伯生十三首

范梈德機九首

馬祖常伯庸五首

揭傒斯曼碩八首

王士熙繼學一首

楊載仲弘十六首

柳貫道傳五首

卷十二

五言律詩二

雅勒呼正卿三首

黃潛晉卿三首

王沂師魯六首

汪元量水雲二首

陳旅衆仲四首

方積叔高三首

台哈布哈兼善三首

甘立允從一首

傅若金與礪七首

張缺蒲澗一首

蕭缺周遠二首

劉聞文廷二首

高缺孤雲一首

郝缺新齋一首

高缺志翔一首

薩都拉天錫六首

楊缺信可一首

郭缺君彥三首

貢師泰泰甫三首

張翥仲舉七首

段天祐吉甫三首

楊維禎廉夫六首

李孝光季和五首

薛玄曦玄卿一首

張天雨伯雨二首

釋大訢笑隱三首

宋无子虛二首

卷十三

五言律詩三

周權衡之一首

丁復仲容五首

陳肅伯將六首

吳克恭寅夫四首

柯九思敬仲二首

鄭元祐明德一首

潘純子素五首

陳方子貞一首

張憲思廉一首

郭翼義仲六首

鄭東季明三首

鄭韶九成二首

楊基孟載三首

孫華元實二首

倪瓚元鎮三首

于立彥成一首

邵思文彥文二首

瞿榮智惠夫一首

董章士明三首

屠彞彥德三首

王逢原吉五首

卷十四

五言長律

趙孟頫子昂一首

虞集伯生二首

范梈德機二首

揭傒斯曼碩一首

楊載仲弘二首

柳貫道傳一首

雅勒呼正卿一首

黃潛晉卿一首

柯九思敬仲一首

王沂師魯二首

陳旅衆仲二首

台哈布哈兼善一首

傅若金與礪一首

薩都拉天錫一首

貢師泰泰甫一首

張翥仲舉一首

李孝光季和一首

張天雨伯雨一首

釋大訢笑隱一首

丁復仲容一首

陳肅伯將二首

于立彥成一首

六言

趙孟頫子昂三首

虞集伯生六首

柯九思敬仲一首

揭傒斯曼碩四首

張天雨伯雨一首

郭翼義仲三首

瀛國公一首

臣等謹按乾坤清氣集十四卷明偶桓編桓
字武孟號海翁因眇一目又自號瞎牛太倉
人洪武中官荊門州吏目是集錄元一代之
詩分體編次其中如汪元量瀛國公元好問
等上該金宋之末張以寧危素等亦下涉明

初朱彛尊靜志居詩話稱明初詩人操選政者賴直良卿許中麗仲孚劉仔肩汝弼沈弼士傅王傅孟敷皆有所蔽惟瞻牛乾坤清氣一編能別開生面惜所鈔闕七言近體絕句未得全書恒以為憾此本稱鈔自孫氏蒼雪齋所闕與彛尊本同又以厲氏樊榭山房本郁氏東嘯軒本參校頗為完善雖卷帙無多而去取精審又編在明初多見舊刻如七言

古詩中陳旅泰定元年八月一首張翥周昉
按樂圖一首鄭元祐送林彥清一首將還淮
揚一首古樂府中揭傒斯馬上郎車中女二
首陳泰漢使謠一首薩都拉秋夜長一首張
憲飛來孤一首五言律中如馬祖常寄邵允
文一首南征一首張翥襍臺一首遊石頭城
清涼寺一首楊基夏夜有懷第二首今本集
皆佚不載惟賴此集以存又五言律中趙孟

顏次素學士上都集韻一首松雪集不載而
譚氏所刻趙子昂詩集有之當亦從此本撫
入也他如題金淵集詩山村集竹素山房集
皆作吾行此本作屠彘烏夜啼將進酒趙孝
子歌三首玉山草堂雅集作柯九思此作雅
勒呼皆足以考異其餘字句互異諸集者不
一而足甚如倪瓚春日雲林齋居詩凡六韻
六十字而與本集相同者僅十七字桓受知

倪瓚最深是必其手授定本為編雲林集者
所未見元詩選本究當以此本為善也乾隆
四十一年十二月恭校上

總纂官臣紀昀 陸錫熊 臣孫士毅

總校官 臣 陸費墀

欽定四庫全書

乾坤清氣卷一

明 偶桓 編

五言古詩

有大如天地

劉因夢吉

有大如天地日夜常乾乾
有小如螻蟻營營誰使然
我亦形跡中豈得獨安閑
萬物相為用錯綜盈兩間
如身百骸具少一為不完有
形無虛生豈予獨贅偏森
然氣

分內既有不可鑄蝮蛇誰宥之生生亦能延安有人道
尊堙滅獨不傳乾乾以為師餘者一聽天

晨起書事

蒼星彗明河三月麗朱方兩月忽散落一月留中央下
有五星連西近東少張仰面東北隅流星墜彩芒誰令
月有癭飄搖及吾牕須臾日東生有星環四旁一星當
日中佇視搖晶光自北忽西旋老陽已榆桑西北雲一
絲翠暈揚清芳嫩雲生碧蘚得句聲琅琅俄見雲有魚

其大丈許長火繩紛繞之昂然欲飛揚呼友與共觀此
境已茫茫靈樞夢為病周官夢為祥寤言札諸閭庸俟
知者詳

燕歌行

薊門來悲風易水生寒波雲物何改色遊子唱燕歌燕
歌在何處盤礴西山阿武陽燕下都歲晚獨經過青丘
遙相連風雨墮嵯峨七十齊郡邑百二秦山河學術有
管樂道義無丘軻蚩蚩魚肉民誰與休干戈往事已如

此後來復如何割地更石郎曲終哀思多

馮瀛王道吟詩臺

林壑少佳色風霜有清秋為問北山靈吟臺何久留時
危亦常事人生足良謀不有撥亂功當乘浮海舟飄飄
扶搖子脫屣雲臺游每聞一朝革尚作數日愁朝廷乃
自樂山林為誰憂視彼昂昂駒奈此汎汎鷗四維既不
張三綱遂橫流坐令蚩蚩氓謂此聖與儔蚩蚩尚可恕
儒臣豈無尤不有歐馬筆孰能用萬牛太行千里來瀟

酒橫中州今朝此登臨孤懷漲岳幽何當剗疊嶂一洗
他山羞

翟節婦

兵塵浩無際烈士難自全婦人無九首志欲不二天燕
山翟氏女既嫁夫防邊一朝聞死事健婦增慨然生有
如此夫蚤寡非所憐求尸白刃中負土家山前事去哀
益深義盡身可捐無兒欲何為所依惟黃泉鄉隣救引
決烈日丹表縣誰辨節孝翁重賦睢陽賢我昨過其鄉

山水猶清妍聞風髮如竹飄蕭動踈煙千年吟詩臺峨
峨太寧巔為招馮太師和我節婦篇

和陶詠荆軻

兩兒戲邯鄲六國朝秦嬴秦王驚烏姿得飽肯顧卿燕
丹一何淺結客報咸京當時勢已危奇謀不及行政使
無此舉寧免繫頸纓如丹不足論世豈無豪英天方事
埽除孰禦狂飈聲我欲論成敗高歌呼賈生乾坤有大
義迅若雷霆驚堂堂九國師誰定討罪名一戰固未晚

何為割邊廷區區六孱王山東但空城孟荀豈無術乘
時失經營今雖聖者作不救亂已成酒酣發羽奏亂我
懷古情

古意

劉祁京叔

庭前有佳樹綠葉尚離披秋風動地起飄零將安歸高
飛入青雲下飛落汙泥貴賤既偶爾孰為喜與悲

秋江有芙蓉顏色好鮮潔褰裳欲采折水深不及涉嚴
風下飛霜芳艷空凋歇悵望一長歎臨川無桂楫

懷長源

涼月夜如水秋風吹紫蘭獨立悵無聊佳人阻山河
山邈千里相望何時已雲橫鴈影沉露下蟲聲起烽火
照中州西南殺氣浮君居劉山下果若向時不人生有
離別但惜知音絕匣內卧青蛇光芒射秋月汴水碧參
差葉飛空樹枝如何相憶處還值莫秋時

送雷伯盛

朔風起天末落木鳴空山水霜正凝
遊子百里還出

郭送將別徘徊上高原如何睽離情對此芳歲闌壯士
志四方不須涕洟瀾人生非山海會面亦不難願子崇
明德餘功振文翰長因東南鴻惠我金玉言

送鄧善之提舉江浙

盧亘彥威

離離天星高皓皓雲月光候鴈過楚澤蟋蟀鳴中堂天
時諒難測徒然多感傷念子去意遠深憂結中腸憶昔
初奉歡露白春蘭芳清尊罷新製妙趣深濠梁飛景急
西匿川流浩湯湯玄髮淒歲晚木落天雨霜蔓草豈容

惜松柏在高岡

春思

趙孟頫子昂

春柳黃如鵝
春江皺綠波
美人在何許
忽若阻山河
攀條弄白日
常恐成蹉跎
懷思鬱不舒
佳期將奈何
良辰難驟得
臨風空浩歌

出都

都邑何雄麗
車馬日喧喧
雞鳴趨蘭省
日夕不遑眠
茲晨奉明詔
馳驛東南奔
雪積原野白
路修煙塵昏
馬鳴

朔風起壯士慘無言還顧望帝京更覺勞心魂我今無
家客斷蓬離本根願為雙飛鶴奮翅入青雲

擬古

長夜何漫漫寒雞胡不鳴我行在中野霜露上沾纓虎
豹夾路啼熊羆復縱橫我前鬼長嘯我後啼鼯鼯四顧
寂無人北斗高且明天道誠幽遠吾心空屏營

古風

詩亡春秋作仲尼益苦心空言恐難託指事著亦深大

義炳如日萬古仰照臨鳳鳥久不至楚狂乃知音愁來
不得語起坐彈吾琴

絕代有佳人被服綺與紈蛾眉秀聯娟吐詞芬若蘭清
歌啟皓齒瑤琴發哀彈一彈再三歎聽者涕汎瀾借問
誰家子為言本邯鄲

讀伯庸學士止酒詩

貢奎仲章

今晨不可出大風吹我帷陋巷泥沮洳空墻雨淋漓研
硃課兒書冥思解群疑敲門童子來袖有止酒詩讀之

至再三擊節喜且悲若飲以玄酒揖讓陶唐時
我我古冠裳執彼璋與珪短褐纔掩脰藜藿空忘飢
風雅久已衰作者微君誰嗟我重景仰老大將何為

月出古城東

虞集伯生

月出古城東海氣浮空濛車騎各已息宮闕何穹窿
牧馬草上露吹笳沙際風帳中忽聞雁傳令數雕弓

出直次韻

月下白玉階露生黃金井疏條棲鵲寒衰蕙流螢冷
戀

闕感時康懷歸覺宵永晨鐘禁中來白髮聊自整

寄陳衆仲助教上都作

學省足清晝詞垣驚早秋美人隔河漢落月在高樓持
衣未成曲吹笛不勝愁還趨鵷鵲觀別製鷓鴣裘

茅山道士雲松巢

昔年李太白廬山思結巢褰雲自天上和鶴止松梢道
士潘文遠高居古大茅誦經門卧虎看劍石眠蛟飛步
脫鳬舄長吟吹鳳匏九江攬秀色許爾作神交

送張兵部孟功巡河分題得屋上烏

花發上陽春門開未央曙城柝起羣棲流光散朝羽息
景須近簷結巢願當戶輓轡轉金井終日灌嘉樹

送張道士歸上清

白雲盱水上自古多仙人手攜綠玉杖頭戴白綸巾袖
中出風雨天上禮星辰歸來庭戶靜芳草自生春

送張鍊師歸武當

范梈德機

張君瀛洲人來作武當客始來武當時祇着謝公屐弟

子百數輩稍稍來服役誅茅立萬柱空中現金碧辛苦
三十年夜卧不側席以之律鬼神故亦如短墨元年踰
冬旱朱火燒四國野谷方焦熬六月畿甸赤朝廷亦不
愛犧牲與圭璧僵巫暨僊史歌舞無消息君時待詔來
公卿初不識一朝傳天語問以濟旱策君云臣鄙愚造
化非所測陰陽有開閉此實智者責公卿復致辭物生
今孔棘已救京兆尹取足輸粟帛此如解倒縣祀事惟
所擇君聞猶固讓心實內憂惕飛章白玉闕瀝膽殫悃

惓臣實才淺拙臣實學迂塞臣有一寸心願輔后皇德
后皇本愛民民今旱為厄或者罪有由皇亦重開釋祈
謝各有方咒禁各有式上堂薦明水下堂考金石夜分
請命既昧爽大施設為壇東市門經紀法靈冊庭中玄
武旗飄飄墨黍黑君臨一揮手怒髮上霄直指揮東方
龍卷水東海側指揮西方龍卷水略西極北南暨中央
各以方率職某日某甲子漏下五十刻我在壇上伺不
得忤區畫豐隆與飛廉列缺與辟歷汝將汝風馳汝遣

汝雷擊汝雲馮勿滴汝雨必三尺汝不從誓言不畏上帝勅至期果響奮動蕩七日澤常時人所難君若不以力公卿奏天子是必有褒錫可以寵號名可以蕃服褐君曰天子聖卿從誠所格臣敢貪天功況在歸計迫昨得山中書至自青溪宅向來百弟子遲歸在朝夕暇時冬序半霜下木葉積明當課剪伐結構西巖辟山田晚報熟芝朮及采摘獼猴長如人夜夜盜柿栗隄防苟不豫六時盡蝨賊公家事既已私事容棄擲方知用世士

遺世等糠粃所過如虛空焉知去留迹我持一杯酒欲
以贈遠色歲暮不見君悵望空山翮

贈馮鍊師歸岳陽

王子吹笙侶精神如九秋暫攜碧山屐遨歡帝王州江
湖未識面寄語旋鳴騶夏雲逼幽澗春鳥啼芳洲行色
當及時景氣適惠柔眷眷將歸客勝日懷林丘何時謝
燕闕亦得西南游洞庭木葉下期爾岳陽樓

贈安西王提舉別

車聲何軋軋我去亦翩翩借問車中人幾時到秦川秦
疆數千里西與雲棧連行人秣馬過猿啼上青天長安
古帝州宅土腴不偏聞君會平昔宦游祇晏眠十齡涉
文史十五懷家羶二十學壯游五十綴朝聯奉常老掌
故今已二十年功業晚何就蕭蕭髮垂肩天子念縫掖
錫官頗靜便紫衣綰墨綬此是車中緣飄飄上都門白
馬錦連乾舉案招青山孟光老猶賢大兒坐車軒小兒
調馬鞭中兒又絕好國語荷珠圓旦夕俟君至買舍清

渭壩此皆足慰意日食官俸錢俸錢足養親親自有主
田人生慕富貴富貴翻受憐不有鍾鼎食亦無膏火煎
前日三市事目擊心凜然當時氣凌人不得呵烏鳶觀
君浩蕩去萬事當棄捐孔子不西行及河軌再旋今君
涉河流西路方綿綿終南與嵩華是中多神仙仙掌出
浮雲上有三峰蓮真人玉柱杖掛在明月弦便當往從
之吸月升太玄金鼎交龍虎使我神貌堅奈何二三月
百憂集離筵空花如錦機野色相交鮮楊花亂愁思萬

條散青煙我不酌美酒敬讓故人先
椎碎琥珀盃獨洒
春風前春風澹無言徒以別慮牽別亦無所慮所慮應
當宣願及相思時中腸鬱糾纏為吹雙紫燕銜書到君
邊矯矯蕭徵君珠貝藏龍淵一別如列星隨天夜移躔
鳳有五色瑞時下岐山巔請君問起居歸來定何年

順昌道中

冉冉秋序高勞勞客程促如何霜霰交不見原野肅顛
崖絢夕紅古澗淒寒綠非惟藤蔓敷亦復芳氣馥物生

固有常氣候殊過續以茲羸疾身動往居瘴毒念彼閩
村人田稀口如粟耕種上青雲妻孥力寒燠吁嗟公私
獎羣需待其熟安得廉恥吏俾之食常足上以承恩光
下以厚風俗丹心映皓首我何自拘束

麻姑壇

揭傒斯曼碩

嵯峨仙都觀遙望丹霞天後有千歲松前有百頃田風
日夏颯颯煙雲晝蔥芊羣彦一時集安知非列仙持觴
起相酬罷琴抗高言天道信悠邈人情何拘牽靈君不

可致落景詎少延仰雖慚冥冥俯亦憂元元主人顧座
客此中可忘年

春日薄書

朝出西城門孤墳何穹窿雄狐竄其西修蛇出其東云
昔有狂士七尺才且雄平生無所賴屠狗涉春冬一朝
除風塵身貴位益崇死生好惡間咄咄生秋風氣驕日
憑陵家國兩蒿蓬子孫分散盡空有牛羊蹤

奉同柯博士甘內掾下直賦

暮出閭闔門解鞍坐前庭泠泠草露白華月隔林生蟋蟀
奮哀響鴻鴈流遺聲常恐芳景晏不知寒節并萬物
肅將歛孤懷徒自盈捉襟激長嘯棲泊諒難徵

題江道士清虛觀

遺紛極玄覽宴坐白玉京日月朗朝夕河漢流無聲
冉冉兩玉童雙吹紫鸞笙下視九州浮以四大瀛萬劫
猶一瞬逍遙樂太清

贈淳真子

蕩蕩白玉京超超淳真子十一求神仙服事丘與李嵩
洛二十載結茅白雲裏食是暘谷霞飲是玉池水鬼神
莫能識百念吹不起一朝忽騰化徑去不可遮飛駟服
五龍角巾搖三花朝發扶桑國莫宿河漢槎朝食千歲
桃莫食五色瓜長揖青牛君高歌渡流沙還憩金陵邸
調笑許史家日食五侯鯖安得厭胡麻春風長安陌落
日邯鄲道迎人上青天送人入秋草竦身八極外天地
忽亦老寄謝區中人全真以為寶

過江州

遙瞻九江樹已踏西江土
落日照庾樓驚風滿湓浦
寒鷗迎棹起遠岫依城吐
悵然感羈游澹爾成賓主
白頭釣魚叟赤脚浣紗女
未識居者歡安知行者苦

春日雜言

羃歷楊柳枝蒙茸春草齊
天天誰家婦采桑臨路岐
零露沾其裳蛛絲罨其衣
樹高身苦弱蠱饑行復遲
辛苦事姑嫜宿夕減容輝
見者皆嘆息此心知獨誰
良人日

莫至醉問爾何為

我有琅玕草欲贈江東客出門道路長卷袂空嘆息靈
苗世所尚良士予所惜神仙無千年耿耿誰復識

雪軒

楊載仲弘

北風海上來大雪何壯哉上下九萬里洗淨無纖埃君
家十二樓軒窓洞然開吹笙擊鳴鼓呼賓與銜杯名言
落四座大笑聲如雷舉頭望長空高興驚冥鴻仙人五
六輩飛下白雲中粲粲明珠袍相從萬玉童問君何所

事未就丹鼎功翩然却攜手共入蓬萊宮

太古雪為楊友直賦

往時天大風能吹華山裂墜此一卷石或云太古雪粵
自開闢初雲氣所凝結已經六萬歲變化同巖壑望之
色正白表裏共澄澈塵土不能浣光彩耀日月願君勿
愛此持以獻金闕回中避暑時特用消毒熱

江上竹

王士熙繼學

蕭蕭江上竹依依徧山麓晨霞屑明金夕月擁寒玉梢

梢綠鳳翼葉葉青鸞足深叢疑立壁高節折垂藤荒涼
含雨露歷亂同草木不求笋煮羹不求椽架屋褰條作
長笛吹我平調曲

青青河畔草

青青河畔草江上春來早春來不見人思君千里道千
里君當還夙昔奉容顏青樓獨居妾含情山上山白鴈
歸塞北一行千萬羣團團月出雲却使妾見君

次韻呈周儀之虞伯生

袁桷伯長

英英雲中君含思歌太乙迴鸞舞天葩流粲曉莫述報
之不成章玉雪耿素質臨風發長謡庸以永今日
道逢學仙人御氣不飲酒我笑初無言彼已嗔我否哀
哉守其愚繫石猶在肘冥化隨悲風淪淪骨不朽

奇樹生南薰清坐彈五絃涼風邈永古白雲赴蒼煙世
故日已偷俯仰隨歲年折腰倘為酒猶足青簡編

少年恣青雲歡至無復戀一為闕河行常恐不得見新
鴈雲中來飛飛落南遠歸心耿未寐寒更促浮箭

送邵元道

梅生一尉微喋喋正天紀洗心洞元化削跡無妻子龍
變孰為馴蟬蛻乃真止松迴風泠泠水落石齒齒

大明宮早朝

胡寬則大

蓬萊拂曙色曄煜舒祥光九儀肅清蹕日月開旂常聖
人握金鏡綃衣臨玉堂咸英脩雅奏圭璧輯羣方懽宴
洽湛露敷恩負龍章謳歌罄率土豈樂逢時康典文極
藻繪聲烈昭前王巍巍纘鴻緒萬年斯無疆

感寓

滕斌玉霄

宇宙忽空闊，飲馬萬里流。
平生負兩眼，及此行寓州。
天清健鶻運，木脫饑鷹投。
長風吹海雨，濯我紫綺裘。
相逢半游俠，把酒髯如虬。
慷慨說史記，歷歷山川秋。
向來衣帶水，目斷河無舟。

吾愛李太白，玩世如游龍。
自知天上謫，何必人間容。
海風吹綠髮，蕭蕭卧雲松。
我昔夢見之，遺以金芙蓉。
清輝恍在眼，月落蛾眉峯。

西風桂花落我上天台山仙子扶我手冷然蒼水環乘
鸞者誰子飛煙渺難攀三生此游戲弄影銀河灣空山
忽風瀑四顧鳴潺湲長揖馬子微此豈非人間

春風吹綠波淡蕩洛陽柳高樓語錦瑟落花泛綠酒何
人白鼻騮蒙茸紫貂袖一字或未識銀菟縣兩肘煌煌
貝宮珠迺落緯蕭手爰居偶鐘鼓犧牛竟文繡終然同
一盡豈復論好醜誰知草玄者窮巷閉白首

步出湧金門所見土花碧徘徊衣上月感此美人夕美

人胡不歸月落江水白寒潮已復去海馬曉無迹萬弩
射鯨魚駭浪接天赤空聞魯仲連孤感橫八極哀哀精
衛石填海竟何益

贈客黃金羈勸客白玉卮昔我亦為客得此慨不辭小
草戲其出櫛郎笑其饑相識何所無所樂心相知平生
數公子腰下珊瑚枝冥冥或相隔寤寐恍見之無絲繡
平原無金鑄鍾期秋風山陽笛淚落不自持

贈我火浣布報君吉光裘一笑結意氣呼酒黃鸝樓神

交豈待語與子為天游攜手閬風觀濯髮扶桑洲下視
俠少年笑嬉藏怨尤世無羊左烈風雪且自謀東井不
可酌天駟豈服輶

送李茂叔以酒字為韻

杜本清碧

樟江水遶遶民俗多雜掾李君專檄來號令肅巡柳遂
令萬家邑安集日豐厚春風有歌姬夜月無吠狗築堤
捍水災皆自將軍手至今此邦人稱謂常在口我來自
京師始得一聚首經過日以數言論竟開剖有如濟世

方乃爾因升斗孰云勞積多反使歲月久方今天子聖
賢知在左右銓曹每推擇往往雜瓊玖此行看薦進直
入紆組綬莫負平生心要使斯民壽豈敢為贈言裁詩
侑杯酒

擬古寄京師諸知己

雅勃呼正卿

中天縣高臺上有仙人家雲窓織流月石磴凌飛霞簾
縈翡翠絲壁粲芙蓉砂羣仙恣遨遊青鸞驂羽車左攜
若木枝右折燭桃花斡旋雨露功吞吐日月華願蘇顛

崖氓天瓢浩无涯草木悉沾濡遂及蕪與葭

閩風接玄圃紫禁連西清扶桑浴朝暎縹緲見層城海
水幾萬里誰能計修程東皇司造命廣庭延羣英中有
三五君生平想儀形賡歌諧都兪論思贊高明菲菲藹
春華翕如鏘鳳笙而我抱幽獨幾年適蠻荆瘴癘肌肉
消盜賊夢寐驚種種履憂患誰能念伶仃願假刀圭妙
白日羽翰生微眇得攀附相將還帝京

畊雲鋤月寄貞居

周馳景遠

買山靈山下石多如羊羣造物為我畊種之皆白雲洶湧初鬱勃散漫還氤氲收歸方寸間吐作五色文一笑顧妻子未用愁空困

石田不生禾何以養吾拙中宵披白雲自起鋤明月明月無根株滿地散霜雪吾鋤不妄揮要使蕭艾別惜無植杖翁相對同此潔

送馬伯庸南祀蒿衡淮瀆

薛漢宗海

總章盛金德齋明赫當宁皇皇遣天使肅肅承詔語三

熏禮岳瀆萬里涉梁楚祀塵歸堯舜降神出申甫南斗
迎文星西風起儀羽樂張洞庭月旆濕湘岸雨壯吟鄙
騷怨高談洗儒腐過家猿鶴喜攬轡鴻鴈聚青闥閔賢
勞黃屋深記注歸騎慎勿徐席虛玉堂署

和鄭應奉雜詩

淳風散已久青黃陋淫樽婉孌爭媚好役智空自昏豈
知葛天民無言道彌敦我有白雲操泠泠寄桐孫調古
識者寡幽探萬化源

驅車涉遠道日晏不知疲一見嵩華高始覺培塿卑吾
道麗天壤昭昭匪難知千金買刀圭但為方士欺羸糧
往問道去結汗漫期

志士方盛時危冠怒衝髮猛心石為開壯氣山可拔安
知橫江鯨中路螻蟻狎所以巢居子商歌竟不輟歌竟
寂無言坐聽天籟發

發大都

黃潛晉卿

辭親獨行邁遙遙抵京國胡為突不黔驅馬更遠適至

尊有時巡樹羽隱阡陌宿衛必近臣顧問須耆德陋臣
亦何知冗從同執戟草深原野青雨暗關塞黑寥寥盛
年意眷眷游子色一身萬人中敢不思努力

同王侍制校文上京八月十五日宿龍門驛

涼風墮黃榆萬馬皆南馳而我方北首度關及鳴雞石
路幽且阻僕夫慘不怡徐驅待明發泱泱窮烟扉貂裘
者誰子怪我縫掖衣為言霜露多皇皇獨何之我非不
自愛簡書今有期憶昔州縣間折腰向小兒荏苒二十

年白首初登畿同袍如燕鴻去住常相違悠然慨平生
與世何參差暗投龍門驛高館臨迴溪青崖拱白月水
木含餘暉秋色故瀟灑我行殊未遲相從况魁彥炯若
珊瑚枝衰莫奚足云一觴聊共持

浮雲蔽白日

浮雲蔽白日羣動何喧喧嗚呼麒麟兒化為猴與猿登
高望四荒但見黃河奔誰哉泝其流與我歸崑崙崑崙
青林花霜霰日已繁歎息復奚道山中桃可餐

古詩

悲聞臨廣路南北何多歧躑躅顧所從吾今信安之故
山豈不佳亦有平生期且復回吾車勿受塵世欺
清晨掩書坐忽忽有所思所思非親故千載多異時南
山何哉我上有青桂枝吾將折其榮歲晚庶自怡

居庸關

連山東北趨中斷忽如鑿萬古爭一門天險不可薄聖
人大無外善閉非楗鑰車行已方軌關吏迭擊柝居民

動成市廬井互聯絡幽龕白雲聚石磴清泉落地雖臨
要衝俗乃近淳朴政須記桃源不必銘劍閣僕夫跪謂
我無為久淹泊山川豈不好但恐風雨惡

送林彥清歸永嘉

柯九思敬仲

鴈蕩接銀漢翠湧生高寒芙蓉散秋錦飛落秋雲端我
昔造絕頂天濶路漫漫遙瞻廣寒殿素娥正憑闌白兔
擣月魄指顧成神丹因招宋成公吹簫乘紫鸞俯視九
萬里元氣清團團別來知幾時弱水如平灘忽遇鴈山

客霞佩青蓮冠還入鴈山去玉髓供晨餐報我舊遊者
久待凌煙巒吾患為有身南望空長歎

春日病起看花走筆呈座上諸友

幾日不出門花開已如許錦繡薄流霞胭脂透疎雨暖
生蝴蝶夢風淡鴛鴦浦底事遠游人鷗邊蕩柔櫓

秦長城

驅車出長城飲馬長城窟翔雲黃浩浩萬里見秋鶻白
骨渺何處腥風卷寒沙蒙恬劍下血化作川上花祖龍

一何愚社稷付征杵長城土未乾秦宮已焦土千載不可問似聞鬼夜哭矯首武陵原紅霞滿川谷

次韻答京師友人

陳旅衆仲

百金買駿馬千金買紅妝長安畫樓上飲酒吹笙簧天
天園中桃鬱鬱陌上桑美人越山下白髮生雕房
涼風振高梧繁露集幽菊攬衣起徘徊殘月照我屋曾
襟鬱孤清日日塵眯目銀河在天上手短不可掬

哭陳元麟

阿麟能讀書八歲貢京國翱翔公卿間聲譽頗藉藉我
家越山南汝家越山北及我官橋門見汝長五尺翩翩
丹穴雛五彩作毛翮昆侖有瑤樹上有實可食汝胡不
此留而去不可即乃翁攜汝來為汝頭盡白辛苦攜骨
歸江離黯愁夕可憐東門吳任達乃強釋

鄭子經下貺名篇勉強續貂

秋山何稜稜秋樹亦莽莽游子中夜吟涼風在林戶予
將薊北行與子同歲莫誰能客荊州登樓悵非土功名

果何物我欲取而撫酣歌弄吳鉤破屋虹氣吐

潭上花

方積叔高

幽潭太古色上有千樹華深根溉甘泉衆寶結丹砂食
之可長生千秋顏若花縹緲潭上仙種此遺其家安期
日往來時乘紫雲車

田中爵

家爵不入山埜鼠不戀屋爵來食我苗鼠來食我粟一
日食一斗十日食一斛斗斛日空虛鼠爵焉得足

衡門有餘樂

台哈布哈兼善

衡門有餘樂
初日照屋梁
晨起冠我幘
亦復理我裳
雖無車馬喧
草木日夜長
朝食園中葵
莫擷澗底芳
所願不在飽
領顙亦何傷

八月十一日夜直省中

甘立允從

涼風生廣除
白露墮銀漢
沉沉夜氣集
皎皎月光爛
門深榮戟嚴
庭寂兵吏散
拆鳴棲雀起
堦濕吟蛩亂
徘徊久不寐
感慨輒興歎
非才直承明
弱冠弄柔翰
遭逢愧

終賈漂泊類王粲名臣鎮大藩從事乏良筭

晚出西掖共柯博士賦

薄莫出重門逶迤望雙闕輦路猶輕塵上林已初月悠
悠文書靜去去車馬絕小草慚長松承恩亦無別

瓊林臺為薛玄卿賦

西山有崇臺上與雲氣通仙人紫霞珮導以青雙童逍
遙琪樹林盤礴瑤華宮積石象玄圃連岑構崆峒纚纚
駐遙景泠泠度天風丹鳳刷羽儀絳節飄瞳矐矯首不

可及滅沒凌飛鴻願言采靈藥與世終無窮

和揭曼碩兼懷武昌名勝

楊缺信可

親友日以疏江漢日已深孤雲懷海嶠倦翮思長林終
然念所知沿流動悲吟豈無後日期邈若隔千岑安得
好風來泠然入中襟日與親友會微言自規箴

和盧子儀寄懷盧肅政上巳陵王侯

人生有知遇永懷不可忘俯視萬丈淵仰睇千仞崗青
山何其高江水空自長忽憶石梁叟別我半載強昨者

從湘中歲晏歸朔方孤舟渡淮水遺歌滿滄浪迢迢天際雲青青陌上桑

用謝玄暉入朝曲分韻得收字送馬中丞赴南

臺

傅若金與礪

金陵鬱迢遞行旆暖悠悠蘭臺清露集松庭積靄收白鷺迴脩渚朱鳳矯崇丘離離曳青綬曄曄振彤騶遠甸芳風散神都旭景浮臨軒結沖想還車寧久留

雪中送宋上舍仲敏歸滑州省親

北風何烈烈雨雪亦霏霏游子去成均將往古靈昌詩
書豈不樂歲晏懷我鄉我鄉伊可懷父母在中堂休告
亦有時定省焉可忘浮雲踰大伾白日照宣防子行日
以至送者各盡觴當歌念遠游令我愧中腸

四月十日癸京

六龍西北馳羣鳥東南翔感我客游志心神隨飛揚迨
迨踰大河恍若越崇岡已驚時序易復念道路長驅車
出東門浩歌慨以慷燕薊豈不樂吳楚為我鄉父母久

遠離兄弟不在旁
當茲遂歸去聊可慰中腸

送吳寅可之揚州

薩都拉天錫

青楊吹白花銀魚跳碧藻
落日上海船三月淮南道
渺渺春水涯悠悠雲樹杪
安得快剪刀江頭剪芳草

同幕府楊子承李伯貞避暑烏石山晚酌

晚涼上烏石置酒天章臺
日夕下山去海風吹月來
豪氣吐千丈朗吟動三台
白露洒仙掌銀河瀉金杯
誰識芙蓉仙飛身在蓬萊

高臺在層霄肩輿上絕壁露下酒尊涼月出海門白坐
拂衣上雲醉卧林下石西風吹鬢毛南斗在肘腋題詩
向天閨奎光射瑤席

寄鉛山別駕完顏子忠

我識顏別駕風度修且閑近持五色筆輝光動南蠻甘
飲石井水卧治鵝湖山玉峰露洒洒風林佩珊珊表表
臺閣姿豈久州郡間相思不相見可望不可攀海風吹
夜月飛度七閩關

河上納涼有懷吳子彥

貢師泰甫

天風吹海樹瑟瑟秋氣涼
河漢西北流衆星耿微光
昔我同袍友遠在水一方
相思不可見展轉清夜長
遙聞鳴笳發攬衣月蒼蒼

贈蒼梧縣尹

朝觀扶桑日莫望蒼梧雲
重華去已遠神氣猶氤氲
遺黎在山下飲食而畊耘
懷哉賢大夫彈琴詠南薰
胡為不我即使我心殷殷
秋風洞庭水綠竹愁湘君

古意

黃金本何物舉世相紛爭賤者可以貴死者可以生既
解平城圍亦散六國衡神用信莫測萬寶孰敢嬰亦有
高世士唾視瓦礫輕寧為凍餓殍不受污辱名斯人倘
可見吾將與同盟嗟哉首陽薇千載有餘清

乾坤清氣卷一

欽定四庫全書

集部

乾坤清氣卷二至四

詳校官中書_臣丁榮祚

助教_臣常循覆勘

覆校官中書_臣方大川

校對官中書_臣葉 葵

謄錄監生_臣任 鑑

欽定四庫全書

乾坤清氣卷二

明 偶桓 編

五言古詩

和陶詠荊軻

郝經伯常

燕國八百里最為遠秦嬴可作殷周基何乃事荊卿痴
兒強復讎匕首堪咸京徑刎于期首更圖督亢行倉皇
事不就狼藉斷冠纓寒風死別歌睥睨一世英不若專

設諸飲恨復吞聲縱使殺一秦寧無一秦生呂政方忘
燕忽作繞柱驚并吞勢不已舉兵復有名埽平黃金臺
故鼎入秦庭昔我渡易水晚登燕子城投文弔田疇思
賢重屏營舉事本道義不係敗與成為國恃刺客夫豈
豪英情

湖南憲幕牡丹

盧摯處道

仙人何許來絳衣翠為裾朝霞映樓居瑞日臨綺疏韶
容託植物神竒昇豐腴豈無瓊華枝亦有珊瑚株國風

芍藥贈騷客芙蓉襦
魏爾顏色好魏爾芳菲殊
誰云風霜地亦復雨露濡
猗猗綠竹抽絢絢羣芳餘
公餘文墨暇嘉賓此虛邪
時清景逾勝不樂將何如

送李廉使西歸洛陽

靡靡歲年晚肅肅霜露霏
君子不遑處四牡來駢駢
月出方皎皎我心恒依依
今夕復何夕山中仰容輝
惠然有深契使我心悅夷
北風日已涼行役乃無期
言邁未可留淒然送將歸
永懷金玉音時得慰渴飢

宿汝墳

閻缺子濟

朝發長社城薄暮汝墳陌秋風吹汗馬為我駐遠客主人指見聞書劔事行役悵然失所對芒刺去未獲蔬食亦自飽微月在枕席紅塵三尺塗清境初不隔疎疎岸樹直漱漱沙水白晨鷄未須鳴吾意方自適

雜詩

張翥仲舉

寒夜何晶晶中庭積繁霜天風下河漢萬里流玉光羽衣四三人各乘白鳳凰笙響發空際游雲高馳翔無緣

執霞珮擘結雙鳴璫願託月中桂終古有遺芳

隴坂何崎嶇行人且復止直上望秦川遙遙憶鄉里流
離肝腸斷悲歌不能已一身已遐征永念同室子何殊
轉蓬科隨風四散起雖得同根生不得同根死吾恐古
今淚多于隴頭水

春江采芳草將以伸繾綣初期拾翠洲復道滋蘭畹美
人隔花深歌竟瑤瑟偃臨流不可見忽恍心未穩佳時
難驟得鷓鴣鳴已晚祇有千古思綿綿楚波遠

前出軍

前軍紅衲袍朱絲繫彭排後軍細鎧甲白羽攢鞬韞輜
車左右馳萬馬擁長街送行動城郭斗酒飲同儕壯士
當報國毋為鄉故懷

昨日發萬軍今日發萬軍明日發萬軍梟騎來羣羣馬
蹄所經過黃埃蕩成雲堆糧興作儲倒樹興作薪道途
行者絕那得有居人

京師少年子膽氣乃粗豪傾金售寶劔厚價買名刀白

擅作行帳紅綾製戰袍
結束往從軍談笑取功勞
當時霍嫖姚豈在學戎韜

後出軍

步卒僉楚健長刀短甲衣
大叫前搏敵跳蕩如鳥飛
左提血髑髏右奪賊馬蹄
黃金得重賞顧盼生光輝
爾輩疾歸命將軍是天威

先鋒纔攻門後軍已登陴
拔都不怕死直上奪賊旗
馬前獻逆首脚下踏死屍
長河走敗船疾遣飛將追
幙中

作露板應有傳修期

行行鏤兜鍪隊隊金駱駝
嗚嗚吹銅角來來齊唱歌
總戎面如虎指顧揮琱戈
馬蹄無賊壘手筆可填河
王師本無敵安用戰圖多

題蛾眉亭

張以寧志道

綠酒白玉瓶獨酌蛾眉亭
不見李太白但見三山青
秋色淮上來蒼然滿雲汀
安得十五絃彈與蛟龍聽

送友歸古田

君家重峯下我家大溪頭君家門前水我家門前流我行久別家思憶故鄉水何況故鄉人相見六千里十年在揚州五年在京城不見故鄉人見君難為情見君情尚爾別君奈何許送君遽不堪憶君良獨苦君歸過溪上為問水中魚別時魚尾赤別後今何如

古意呈仲章貢侍御

黃清老子肅

娉婷二八女絕色妙難畫新妝薄鉛華照影修竹下盛年事夫壻錦玉耀精舍雖非伯鸞妻惓然惜長夜琴餘

月當軒默默倚風榭寄語東家兒紅顏莫輕嫁

梧桐生高岡雲氣涵空清南枝挂孤月上有蒼鸞鳴大
匠揮玉斧渾然合天成寔之白玉堂被之絃歌聲一彈
松風來再鼓溪月明子期人已往青山為誰情

送僧定觀歸

詩僧百丈來復作五臺別丁然振金錫桂子落秋雪山
空白雲間風息萬籟滅相思何處無江湖一明月

孤憤一章和夢菴韻

楊維禎廉夫

楊子哭停雲歷數死生友首哭台州帥再哭江州守三
哭天水頭四哭淮渦口五哭六哭餘英風復何有確山
截罵舌宛湖沉所首嗟嗟徇國臣培養百年久猛去晉
終背或死魏何咎而況鳴吠才蠢蠢小雞狗弋鴻羽既
怯釣魚餌滋誘根撥那望實蒂分尚懷藕珠雀既失彈
火鼠重被垢長包中土心相詫模稜手外壺宜倒戈中
薄肯敝笥祝宗祈未死循牆駭還走長涕未上書窮辭
空還酒驚見夢菴詩一首洒百醜大義揭日月孤忠縣

畎畝亂厭出下泉危極還易

缺

懷君郭泰交夜拌釘春

韭和君孤憤章澆致酒一斗

芝雪堂分韻得對字

窮冬積繁陰快雨不破塊問途玉山下繫船桃溪匯主人聞
客來把酒欣相徠窈窕雙歌聲嬋娟兩眉黛談笑方云云
妍嗤各成態憶昔獻策時日炯重腫對下馬宴瓊林宮花
出西內俯仰三十年同袍幾人在明當理行舟天遠征鴻
背那能事煩劇曉出星猶戴行當謝冠冕歸荷山陽耒

三叟者訣

道逢三叟者高壽比神仙問叟何以壽壽訣倘予傳上
叟前致辭大道抱天全中叟前致辭寒暑順節宣下叟
前致辭百歲半單眠是為三壽訣所以能長年

南婦還

今日是何日慟返南州岐汨汨東逝水一日有西歸長
別二十年休戚不相知去時鬢髮青歸來面眉顰昔人
今則是故家今則非脫胎有父母結髮有夫妻驚呼問

閭里共指冢累累訪死欲穿隧泣血不復疑白首滿丘
山我逝其從誰

書邵節判事

潭州李刺史劓手驅妻兒松江邵節判劓手屬水夷闔
門十八口一死殉無遺鮫人為泣汨龍伯為負屍姓名
照濁世信史錄吾詩同堂老僚友開門豎降旗

蕭蕭飢馬鳴

李孝光李和

蕭蕭飢馬鳴隔林見落月游子慕父母豈復畏脫別負

書或在船津吏已催發臨觴不能持惆悵生白髮況是
江海永歲晏多風雪風雪塞中路不隔遊子轍平生四
方志念此心欲折男兒各有願君子保明哲上思娛尊
親下以浣悃潔

送僧朴菴用柯敬仲韻

月行天中央天高如屋極中有雪色兔世人不能識我
曾摩其鬚仙吏睨我側衆仙乞秋毫密如霧雨塞蹴踏
河漢翻洶湧若秋汐是誰致此奇南有彌天釋仙吏今

上天令人淚沾臆

題梅巷

北風吹倒山三日雪塞門
惜惜巖谷裏萬木命在根
天翁粲然笑洗出明月魂
春如鼎中香已覺火力溫

秋夜同張仲舉訢笑隱龍翔寺聯句

先皇日潛邸梵宮冠東南
金碧麗紺宇張旌幢覆瓊栢

六龍駐神馭李百靈護鸞驂
地蟠龍虎氣訢殿擁貂蟬

簪文石露篆古張化城天樂酣
杏梁虹飲渚李壁甃瓦蟾

生潭複道星辰直

訢

觚稜煙霧含浮圖琅璫語

張

藻井

呆愚函曾睥搜缺鳳

李

清旭眩水蠶望氣芒碭遠

訢

問

道崆峒堪御床塵宛宛

張

仙仗華毵毵珠襦鎖玉押

李

猊

座湧寶龕遺弓泣父老

訢

執豆奔侯男衣冠閔原廟

張

矛

戟園精藍晃几敷末訓

李

銘鼎紀玄談聖祚萬世啟

訢

法

筵諸佛參貝翻譯經六

張

圖繪笑像三華鬢衆唄作

李

象

教一嘿諳猿鶴驚此客

訢

林澗洗餘慚齊厨飯香靄

張

暝

閣鍾聲餽錦薦渴獸挾

李

礎踞雕虎耽洒掃愧無補

訢

倡

酬知匪堪燥吻若屢沃

張

苦心策頻探焚膏續還晷

李

卷

簾納霏嵐耀榆月采淨

訢

鑿落雲液甘風籟縱古柏

張

秋

陰挾高栴戶牖蜂脾蠹

李

丹青海波涵袖中合陶謝

訢

方

外師瞿曇息影了虛寂

張

枯禪屏痴貪芟薊交折聖

李

伊

蒲不盈甌心同略形迹

訢

累遣忘憂悵錦雉絡羽扇

張

赤

螭御劔鐔銳毫走異肩

李

麈尾揮盤鬚堅壘避屈賈

訢

訢

陋邦敵吳郟韻劇魔膽落句雄神力擔擁鼻極營度

張

張

刺手勞鉤擣械筒遞銀鹿蠹葉剔白蟬幢燈粟蠹蠹

李

李

鼎香穗穠穠山河入帝綱天人統優曇訢境勝情自曠

理超思彌覃

李

雲卧委巾舄雨歸借復簾

張

投章媿木

李留怡踰黃柑

訢

話言諒所慕治醉詎可妯

李

捧席白

足慧

張

觸屏蒼頭慙訢偏袒鳳肩聳

李

鏤匡鐻耳儼

張

吾我涉誕謾

訢

爾汝忘詆誦

張

罇發粟穰厚色滷醪味

醪

李

剪韭差可芼食魚更須泔

張

青溪渙以瀏蔣陵聞

其甜

訢

茲事付千載相期結廬菴

張

宴集分韻得落字

張天英楠渠

東家白雲翁載酒青山郭相招竹林彥坐對春風酌一
花飛入樓泛我銀鑿落醉步松月歸令人夢孤鶴

松門翫月

徘徊青松門鑒我古明月露零沐青髯玄珠燭寒髮願
言駕雲螭飛步上天闕微雨中夜來北風卷成雪

春夜酬李五峰

酣歌惜春夜起向月中立北斗挂長松風摧翠蛟泣山
花如美人飛香染衣濕青天落吾手大白不滿吸推山

出門去秀氣還復入

次韻歐陽檢閱濠池觀荷

薛義玄卿

行行濠池上亭亭見長荷
瓊葩耀初日碧芰卷輕波
深蒲曉色亂微雨晚香多
方舟時自移高軒或來過
豈無河朔飲那復發商歌
商歌一慷慨此物奈君何

野宿山簡虞博士王待制

迢迢野宿山峯巒何崔嵬
朝登猛虎嘯莫宿玄猿哀
高風四面發花草為誰開
傳聞章皇帝此地昔徘徊
龍駕

竟不還浮雲空往來秀色九天外巨靈不敢摧飄搖散襟帶覽結何悠哉

題宋氏南軒

楊鑄季子

脫洒謝塵喧棲神在巖戶殘雲床下起昨日山中雨緣澗弄驚流攀林翫芳樹非關薄時榮逍遙自成趣

晚憇澗北亭

我性喜蕭散東園時獨行高亭俯絕澗下有流泉聲秀木翳繁陰朱華散微馨跼蹐淡忘歸夕露沾我纓人生

忽如寄何乃苦營營優游在空谷飲水有餘情

贈石維秀才

楊鎰顯民

石子山中來衣上白雲濕俯仰時自謠鏗鏘溢篇什註
書空林間花落常自拾明晨城南去相望空悵悵

雨至

維南有崇山山上多浮雲靜聞微雨至寂寂在西軒曠
然無所懷端坐復何言不知春向深況知賤與貧

春暮

周權衡之

春暮適川上意與流水長時有白雲至遠帶松翠香手
攜淵明詩倦坐據胡床悠然宇宙間是非兩亡羊

次韻張德甫

朝緡北澗鮮莫采南山樵貴則食五鼎賤則飲一瓢妍
醜莫自校用舍隨所遭為我揮綠綺鴻飛楚天高

瀛海篇贈呂鍊師

丁復仲容

我本瀛海人瓠落九州土三山不得歸六鰲竟何所凝
精耿宵寐往往呼安期跂予紫霞想感此白日馳客有

金庭仙玉霄住雲月近從爵溪來霜紉卷溟渤褰衣拂
天姥跣踞青芙蓉羲和擢僵指夜寒咎六龍金烏飛上
天露草忽已晞奈何閱靈景忍此人民非朝褰四明霞
夕涉會稽道鄭弘招不來賀監亦已老胥濤吼奔雷逆
折生回風鸞乘桂子府鶴語梅花宮清湖自歌舞顏髮
凋青紅壺丹碧光瀉劍影洞庭水霜落山橋寒還至吳
王里吳王迺不醒館娃骨已水迺爾憶張果亦復尋茅
盈玉妃發春哂手折雙瓊花寄語雙女兒相逢學丹砂

翩然不肯留浪迹金陵市長歌六帝秋嫋嫋聞夢耳青
裾曳明月問我丹井南揮手綠雲表語別愁何堪往年
去天台萼草徑香滿彼之溪上人泣向西風斷瑤臺天
上遙銀橋霧中沒葛陂一丈竹鱗鬣生倏忽飈車劃雷
近輪轅不相將尺地不可縮况茲道路長故人衡湖居
舊約赤城下緣崖履靈跡弄瀑漱清瀉今聞綰漢綬好
作常州牧興公賦金聲名山阻高躅東行即相討自稱
回道人榴皮醉香墨曉過東林春海圖慎勿視但恐馳

其神

東海有蟠桃

東海有蟠桃結根何歲年
花開不闕春霜露不繁
天仙種固靈異未知樹
所緣我欲往問之代無
絕世賢適來王母至
遂奉武皇筵驕主好
自誕後來信謂然
愚者諒多惑智者當不傳

同永嘉李孝光望鍾山聯句

鍾山日在望
匏繫未成往
我本忘世人
李誰能久塵鞅

窮猿尚擇木

丁冥鴻不離網納叢升斗縻

李

迺此尺尋

枉川江互迢遞

丁

天地一莽寰霸氣遂終陳

李

山名猶

姓蔣策羸結幽躋

丁

拔茹傾勝賞踰林萬虬伏

李

獐石

羣獸仰雨晴虹蜺裂

丁

雲熱鶴鶴響靈骨瘞浮屠

李

癰

踞踞方丈陟閣鷹巢危

丁

窺戶蜂房敞禪林舊稱一

李

梵剎新闡兩苾芻化城喻

丁

獬豸嚴駕上一人斟小月

李

七佛築峻壞狻猊睥玉除

丁

科蚪冒銀榜庸超謝臚輩

李

媚禱懷盼蠻俗子空卑棲

丁

至人廓遐想相期訪龍

盤

李

何如游鴈宕 聰明誦楞嚴 丁林昏過魍魎 終然千

仞顛

李

極彼九州廣 圓龕坐覓心 丁方具跪合掌 攬秀

目顚顚

李

討幽心 養養沈綿阻客游 丁爽塏令人獎境

虛雲壓闌

李

江遠浪浮槳 揮清宜麈尾 丁翳靜便鶴氅

城分三國鼎

李

淮湊百川輞 喜彈青綺冠 丁倦曳綠玉

杖朝晴竟崎嶇

李

夜夢猶彷彿 祝酒遣詩魔 丁搜句搔

技癢深推衆壑宗

李

雄據諸峰長 碧眼覽益遠 丁白髯

聯苦強地籟息箕箒

李

天孫遺女紡金聲 調危鐸 丁石

華繡卑礫騎驢約茲後李驚猿記疇曩資罄恐支離丁

腹果歸莽蒼閒休幼安席李敏奪雲門棒竹露曉衾濕

丁松颺秋髮爽玉樹異風標李珠林列星朗躡屐去後

齒丁早炊囊宿澆弔古重追尋李披荒增慨慷丁

雜興

陳肅伯將

黃帝作弓劍一戰擒蚩尤張樂洞庭野煉玉昆侖丘白
日乘紫雲飄颻謝諸侯如何橋山下高塚悲千秋

長安有高第云是金張家朱門映綠水弱柳啼春鴉曉

合列侯馬莫多名主車可憐歌舞月空照玉梁斜
驅車洛東北遙望首陽山昔有兩兄弟采薇於其間我
願從之游孰云不可攀躊躇日將暮感此空忘還

生長宛葉間廓落不事家結託劉文叔調笑陰麗華還
沽春陵酒更賞河陽花興闌聊騁望紛紛龍虎霞

妾住雕陰東君去漁陽北惟有別時草依依滿行迹不
忍行迹沒埽盡還更碧君情如妾意纏綿無終極

寄薛鶴齋

張率孟循

東海有一鶴翩翩好容儀翻飛上林苑照影昆明池雞
鶩與爭食鳳凰亦低垂吳山碧玉樹自有摩雲枝

客廣陵答天錫見貽韻

吳克恭寅夫

泛舟春風生江光颺雲藻人生杜牧遊柳色淮南道幸
欣韶芳媚孰云春事杪遠思極綿綿無緣是芳草

短衣

短衣荷長鑱晨起斲黃獨歸來讀道書日晏飢我腹羽
入丹砂床遙知在澗谷松膏滴雲腴山房酒應熟

友人仕掾曹為上官所迫促賦此送歸

采蘭復采蘭綠葉何參差馨香滿懷袖特以遺所思
情中道絕此心當告誰願結青林佩悠悠哉白雲期石間
攬三秀學道倘因之

送徐元慶歸江西

倪瓚元鎮

悠悠西江水綿綿江上山借問離羣鶴孤飛幾時還
白雲亦忌潔青雲安可攀時時王子晉吹笙向人間

春日雲林齋居

臨池春流駛埽地夕陰滿正襟味道言超遙坐溪館嵐
嶺當書榻煩襟一舒散靡靡松花黃逐逐雲氣暖石梁
青苔合于馬人跡斷故非與世踈冥棲遂忘返

聽袁子方彈琴

蕙帳凝夕清高堂流月明芳琴發綺席列坐散繁纓迴
翔別鵠意縹緲孤鸞鳴一寫冰霜操掩抑寄餘情

秋夜

空林溥露氣疎鐘時獨聞清夜息羣動高居無俗氛恬

淡誠吾事榮名非所欣樂哉詠王風忘年棲白雲

題巾子山僧房

潘純子素

清江抱禪棲山頂在屋下朝霞生庭戶老樹立石罅日出渙舟集日入市賈罷僧子獨何為逍遙事閒暇

秋日陪杜微君李先生遊金華山

輕雲澹秋色涼日靜琳宮水落白石上人行深樹中悠
悠坐長嘯肅肅來清風仙人不可見芳草碧叢叢

松泉圖

郭翼羲仲

迢迢澗上松漉漉松下泉微颺散晴雪飛琴瀉寒絃懷
哉山中人眇予墮塵緣九江秀可攬山色青於蓮浩歌
招黃鵠重賦雲巢篇

貞女慎行露

陳基敬初

貞女慎行露君子戒履霜歲莫懷百憂離居增慨慷方
舟豈無楫河水亦可抗臨流不能渡佇立以旁皇

夜坐懷二君子

良夜殊未央明星一何爛懷人阻層城邈若河與漢棲

鵲驚露叢落葉依井幹據梧不成彈惻惻空浩歎

醉贈秦文仲還三洲

饒介介之

東望大瀛海影落扶桑弓三洲直如矢正射三山中三
山負朝日日日波浪紅仙人不騎鶴所適多御風秦君
家三洲長與仙人通即之不可見忽爾能相面翩翩頭
上巾舉舉塵中扇高談清溽暑知子不貧賤聞君寡良
儔有酒不自薦此日足可醉况得邦之彥小醉須解醒
大醉不用醒生平慎許可祇有一劉伶太湖三萬頃七

十二峯青凝竚山水秀開堂修酒經白雲生研石疎雨
洒牕櫺子上三洲去吾杯猶未停

出門膏吾車

鄭采季亮

出門膏吾車欲登昆侖丘昆侖在西極我家東海頭十
步若九輟隣巷亦阻修况茲幾萬里而乃復悠悠但當
努其力歲晏非所憂聞道夕可死聖謨寔吾舟

畊雲釣月送林彥清

秦約文仲

朝畊南蕩雲莫釣蓀湖月湖月只自好焉知有圓缺放

歌擊空明欲往愁桂楫世無任公子誰與同此潔
凌風去逍遙白銀闕

宴梧竹堂分韻得鳳字

陸仁良貴

張宴池館夕酥凝酒微凍明月流綺疎華燈照陰洞翠
琯裊遺音朱絃細成弄倚徙桐花源相期聽鳴鳳

擬古

錙堪子輿

千金買明珠百寶裝帶鉤寶帶綰同心明珠垂兩頭美
人結新歡託體相綢繆再拜稱主壽持以奉千秋

龍吟軒

吾衍子行

四山若龍盤精廬剡溪曲中有不蟄龍長吟破幽綠道人宴坐起拂袖牕牖開手持碧琅玕聽此風雨來

張伯雨贈黃精

山中有靈草乃云太陽精况聞天老言餌之可長生故人赤松意分贈慰我情玉津比靈芝采采三秀英我願服此久飄然出蓬瀛綠髮無秋霜身如羽翰輕舉臂入霄漢丹臺列高名手把金芙蓉與君遊太清

乾坤清氣卷二